

TE RETITA'ANGA NO TE IKI'ANGA A TE AU OIRE I TEIA MATAITI 2019

Ko te au iki'anga oire, ko to tatou akatinamou'anga te reira e, ko'ai to tatou mata i runga i to tatou au konitara e te au kopapa ma'ata o te anga'anga rapakau maki. Ko teta'i ua atu i runga i te akapapa'anga ingoa no te iki'anga, ka rauka ia ratou i te iki i te tuatau o te iki'anga a te au oire. Ka rave'ia te iki'anga a teia mata'iti i roto ia Okotopa, na roto i te vouti tuku ki roto i te pi'a mere.

No te au oire mama'ata e te au konitara tu'anga district teia au iki'anga, no te au konitara moti'a e te au Kopapa Mama'ata o te District Health Boards. I roto i teta'i au tu'anga o Nu Tireni, ka rave katoa ia te au iki'anga no te au kopapa aka-aere o te au oire e te au kopapa aka-aere, no te au kopapa aka-aere o te raitini akatinamou'anga, e teta'i au putuputu'anga kopapa ke atu.

Ka anoano'ia koe kia retita'ia e rauka ai ia koe i te vouti ma te tuku i to'ou manako no te au iki'anga a te au oire.

Ka rauka ia koe i te retita no te vouti mei te mea e, e 18 o'ou mata'iti, me kore ra, tei runga atu, e, e tangata Nu Tireni koe, me kore ra, e tangata no'o tinamou ki reira, e kua no'o tinamou ana koe ki Nu Tireni nei, tere atu i te okota'i mata'iti i teta'i tuatau o to'ou ora'anga.

No te akapapu e, e ma'ata te aronga tei retita'ia i te tuatau tau e rauka ai ia ratou i te vouti, ka tuku'ia atu na roto i te mere, teta'i peketi ko'u peapa vouti akatinamou'anga ki te katoatoa i runga i te akapapa'anga ingoa, a te ra 29 o Tiunu. Ko ta'au ua ka rave, ko te akapapu e, kua tano meitaki to'ou au tuatua akakitekite katoatoa. Me kua tano meitaki te reira, kare koe e anoano'ia kia rave i teta'i mea ke atu. Me e au mea teta'i kia akatano'ia, rave'ia te reira, ka akaoki viviki mai ei koe i te reira kia matou.

Me kare a'au ko'u peapa e tae atu i te Monite ra 8 o Tiurai, ko te aite'anga i reira, kare koe i retita'ia no te vouti, me kore ra, kare to'ou au tuatua akakitekite i tau no teia akakoro'anga. No te retita, me kore ra, no te akaou i to'ou au tuatua akakitekite, ka anoano'ia koe kia akaki i teta'i peapa iki'anga ou. Atoro'ia atu te roro uira atuitui i ko i te **vote.nz**, me kore ra, **kapiki'ia te numero 0800 36 76 56** no te pati i teta'i peapa retita kia tuku'ia atu kia koe.

Na te au konitara oire e akatere ana i te au iki'anga e, i te tuatau openga o Tepetema, ka tuku ratou i te au peapa vouti'anga na roto i te pi'a mere, ki te katoatoa o te aronga vouti i runga i te akapapa'anga ingoa.

Me kare koe i retita'ia i mua ake i te Varaire ra 16 o Aukute, kare ta'au au peapa vouti e tuku'ia atu na roto i te pi'a mere. Me retita koe i muri ake i teia ra, ka anoano'ia koe kia pati i teta'i peapa vouti turanga tuke ma'ata, mei ko atu i to'ou opati akateretere o te iki'anga konitara oire.

No teta'i au tuatua akakitekite akaou mai no te retita'anga no te vouti, atoro'ia atu te roro uira atuitui **vote.nz**

No teta'i au tuatua akakitekite akaou mai no te vouti'anga i roto i te au iki'anga a te au oire, aere atu ki runga i te roro uira atuitui **vote2019.co.nz**

